

- Pauperesque spiritu      velint confortare,  
 In mandatis domini      pacienter stare,  
 Opera sermonibus      studens coequare,  
 135 Non que sua queritans,      sed que sunt amare<sup>1</sup>  
 Iesu Christi, sedulus      emulator datur  
 Patris Innocentii      veraxque signatur;  
 Confidenter creditur      cleroque speratur:  
 Hoc patrono tytilus      cleri resumatur,  
 140 Pridem qui pro casibus      et iam confuscat;  
 Utinam tyrannide      clerus exuatur,  
 Laicorum calcibus      diu qui vexatur  
 Atque suis questibus      — proh pudor — frustratur:  
 Onager venatio      sic leoni datur<sup>2</sup>,  
 145 Clericus cum militi      rite subiugatur.  
 Hinc<sup>3</sup> uterque cespitat      in hac mundi nocte,  
 Hinc mens cleri conscia<sup>4</sup>      meditando docte  
 Postulet presidium;      non acerbet hoc te,  
 Lector, quisquis fueris,      mastica<sup>5</sup> sed cocte.  
 150 Hoc quod Iabes Galaat      Amanites fatur,  
 — Regum fert hystoria<sup>6</sup> —      dextrum quod minatur  
 Eruat ut oculum;      nobis quo signatur  
 Affectus iusticie,      sinistro notatur  
 Intellectus utique,      quem nos possidemus.  
 155 Dextro prorsus êruto,      cuius et egemus,  
 Mentis hinc antydotum      nobis advocemus,  
 Fidei colirio      dextrumque curemus  
 Oculum, cum galea      gladium salutis  
 Adsumamus, denique      clypeum virtutis,  
 160 Sitque colluctatio      viciis confûtis  
 Firmamento fidei      Christi sic inbutis.  
 Nostris si sic viciis      ictus invibretur,  
 Celeri cocterio      plebsque castigetur  
 Christiana, Galaad      emina rogetur,  
 165 Et resine modicum      stactisque donetur<sup>7</sup>  
 Viro, mens hoc ysopo      si sic renovetur;  
 Inter cleros medios      si sopori detur

1) Philipp. 2, 21: 'Omnes enim quae sua sunt quaerunt, non quae sunt Iesu Christi'; 1. Cor. 13, 5: 'non quaerit quae sua sunt'. 2) Eceli. 13, 23: 'Venatio leonis onager in eremo'. 3) 'Hunc' Hs. 4) 'consciâ' Hs. 5) Ob 'martica' oder 'mastica', ist unsicher. 6) 1. Reg. 11, 2: 'eruat omnia vestrum oculos dextros'. 7) Vgl. Gen. 37, 25: 'viatores venire de Galaad et camelos eorum portantes aromata et resinam et stacten'.